

تقدیر و ستایش

3467

نومرو ۳۴۶۷

بیان علی بن ابی طالب علیه السلام

سخمی ۴۰ باره به در

جمعہ دن ماعدہ ہر کون نشر اولنور

۷ جمادی الاولیٰ ۱۳۳۷

بازار

۹ شباط ۱۳۳۵

قوانین و نظامات

ادارہ عرفیہ جاری اولان محللردہ ہر نوع کتب و رسائل و اوراق ایلہ مطبوعات موقوتہ و غیر موقوتہ حقندہ

قرارنامہ

محمد وحید الدین

مادہ: ۱ ادارہ عرفیہ جاری اولان محللردہ مطبوعات قانونیک ایکنجی مادہ معدلہ سنک صوک فقرہ سیلہ اوچنجی و دردیجی مادہ لری احکامی قرار اخیرہ دکن تعطیل اولنہرق کرک موقوتہ و کرک غیر موقوتہ کتب و رسائل ایلہ جرائد یومیہ و ہر نوع اوراقک حکومت عسکریہ و یا ملکیہ سانسور ہیئتک مساعده تحریریه مخصوصہ سی استحصال ایلمکسزین طبع و نشری قطعاً ممنوعدر .

مادہ: ۲ برنجی مادہدہ بیان اولنان ممنوعیت خلافہ اولہرق طبع و نشر اولنان کرک موقوتہ و کرک غیر موقوتہ کتب و رسائل ایلہ جرائد یومیہ و ہر نوع اوراق درحال ضابطہ معرفتیلہ طوپلاتیلوب ضبط و مصادره اولنہجفی کبی جرائد یومیہ و رسائل موقوتہ مدیر مسئول یا مثالری ایلہ طابعلری ہم فعل عد اولنہرق آلتی آیدن اوچ سنہیہ قدر حبس و بکرمی بش لیرادن یوز لیرایہ قدر جزای نقدی ایلہ و یاخود بوجزاردن یالکز بریلہ مجازات اولنور و کتب و رسائل غیر موقوتہ و ہر نوع اوراق مؤلف و محرر و طابع و باعبلری ہم فعل عد ایدیله رک بر ہفتہ دن آلتی آیہ قدر حبس و بکرمی بش لیرادن یوز لیرایہ قدر جزای نقدی ایلہ و یاخود بوجزاردن یالکز بریلہ مجازات اولنور .

مادہ: ۳ برنجی مادہ موجبجہ طبع و نشرینہ مساعده استحصال قلمش اولان جرائد یومیہ و رسائل موقوتہ نک قبل الطبع سانسورہ ارانہسی اقتضا ایلیوب خلافہ حرکت ایدنلر ایلہ سانسورجہ طی اولنان مقالات و فقراتی بالبقا طبع و نشر ایدنلرک نشریات واقعہ نک درجہ اہمیت و ماہیتنہ کورہ جرائد یومیہ و رسائل موقوتہ سی مناسب مدتہ موقہ تعطیل و یاخود حقنردہ ابتداءً توبیخ اولنور . تکرری حالندہ دیپوزیتو اچہسی ضبط ایلمککہ برابر جریدہ و رسالہسی قطعاً تعطیل اولنور .

مادہ: ۴ حکومت عسکریہجہ نشر و تداولی منع اولنان کتب

و رسائل و ہر نوع اوراق مطبوعہ سی کیفیت منع غرتہ لزلہ بعدالاعلان بیع و نشر ایدنلر ہم فعل عد ایدیله رک برہفتہ دن آلتی آیہ قدر حبس و بکرمی بش لیرادن یوز لیرایہ قدر جزای نقدی ایلہ و یاخود بوجزاردن یالکز بریلہ مجازات اولنور .

مادہ: ۵ اشبو قرارنامہدہ ذکر و تعداد اولنان ممنوعیت خلافہ حرکت ایدنلرک اجرای محاکمہ سی دیوان حرب عرفیہ عائددر .

مادہ: ۶ اشبو قرارنامہ نک احکامی تاریخ نشر و اعلانندن اعتباراً مرعی الاجرادر .

مادہ: ۷ اشبو قرارنامہ نک اجرای احکامہ حربیہ و داخلہ ناظرلری مأمورددر .

مجلس عمومینک اجتماعندہ قانونیتی تکلیف اولنمق اوزرہ اشبو قرارنامہ نک موقع مرعیتہ وضعی ارادہ ایلمد .

۴ جمادی الاولیٰ ۱۳۳۷ ۵ شباط ۱۳۳۵

شورای دولت رئیس	بحرہ ناظری	حربیہ ناظری	شیخ الاسلام	صدر اعظم
محمد شریف	علی رضا	عمر یاور	ابراہیم الحیدری	توفیق
مالیہ ناظری	نافعہ ناظری	عدلیہ ناظری	خارجیہ ناظری	
عبدالرحمن	محمد ضیا	عارف حکمت	مصطفیٰ رشید	
معارف ناظری	اوقاف ہایون ناظری و داخلہ ناظر و کلی	تجارت و زراعت ناظری	قسطاکی	
یوسف ضیا	احمد عزت			

پوستہ و تلغراف و تلفون ناظری

یوسف

☆

حجاز و عسکری تیمور یوللر و لیمانلر ادارہ عمومیہ سنک

حریق زدہ مأمورین و مستخدمینہ و یرلمش اولان

آوانسلرک عفو حقندہ قرارنامہ

محمد وحید الدین

مادہ: ۱ استانبولہ ۳۱ مایس ۱۳۳۴ تاریخندہ فاتحہ و تواریخ مختلفہدہ سائر محللردہ وقوع بولان حریقارده مصاب اولان حجاز و عسکری تیمور یوللر و لیمانلر ادارہ عمومیہ سی مأمورین و مستخدمینہ معاش اصلیلرینک ایکی مثلی نسبتندہ یرلمش اولان آوانسلر عفو ایلمشدر .

مادہ: ۲ ادارہ مذکورہ مأمورین و مستخدمینہ یرلمش اولان مذکور آوانسلرہ مقابل حجاز و عسکری تیمور یوللر و لیمانلر ادارہ

بك اوغلي كاتب عدل الكندن :

استانبولده جبل عطار خانده ويوك بكي خانده موجود وانواع ومقاديري طرفينجه معلوم وبزلردن ماقس ويتمان وكوستاو ويتماندين متشكل « ويتمان وقومپانياسنه » عائد بالجله امتعه تجاريه بي صفة واحده وبيع بات صحيح شرعي ايله ديونيسي ريغوپولو افندي به بيع وفروخت وتسليم ايلديكمزي و اموال وامتعه مذكوره تاميله مشتري مومي اليك مال مشتري اوله رق نم بركونا اوله رق اليوم سالف الذكر شركتمزك هيچ برحق وعلاقه سي قالمش اولديني بموجب قانون اعلان اولنور .

٤ شباط ٣٣٥

ويتمان وقومپانيه سي

ويتمان وقومپانيه سي

دائرة ده محفوظ نسخه اصله سنه مطابق بولنان اشبو اعلانمه ذيل قانون تجارت موجب نشر و اعلان ايدلك اوزره (تقويم وقايع) اداره سنه ارسال قلندي .

٤ شباط ٣٣٥

★

تحت استيجارمه بولنان بك اوغلنده جاده كبرده ١٠٥ نومرولي مغازه دروننده موجود وانواع ومقاديري طرفينجه معلوم قرطاسيه به متعلق بالجله اموال واشيا وجانكان وبرعدد ما كنه بي بدل مقبوض مقابلنده صفة واحده وبيع بات صحيح شرعي ايله يوركي فرانسوا داپولا افندي به قطعاً بيع وفروخت وتسليم ايلديكمزي و اموال واشيا وسائر مومي اليك مال مشتري اوله رق نم بركونا علاقه ومدخل قالمش اولديني بموجب قانون اعلان ايلرم .

٤ شباط ٣٣٥

ط . وساكه لاريدى

دائرة ده محفوظ نسخه اصله سنه مطابق بولنان اشبو اعلانمه تجارت بريه قانونك مواد منيله سي احكامنه نويقاً نشر و اعلان ايدلك اوزره (تقويم وقايع) اداره سنه ارسال قلندي .

٤ شباط ٣٣٥

★

تحت استيجارمه بولنان كاغد خانه جاده سنده ٢٥٤ نومرولي بفيچه ده موجود ضرورعات ايله الات وادوات وسائر مومي اوغولوم يوركي به بدل مقبوض مقابلنده بيع وفروخت ايله رك كندوسنه دور ايتش اولديني مذكور بفيچه ده و ضرورعاته والات وادوات واشياي سائرده بركونا علاقه ومدخل قالمش اولديني اعلان ايلرم .

٥ شباط ٣٣٥

واسيل آدريقو

اشبو اعلانمه دائرة ده محفوظ نسخه اصله سنه مطابق اولقله ذيل قانون تجارت موجب نشر اعلان ايدلك اوزره (تقويم وقايع) اداره سنه ارسال قلندي .

٥ شباط ٣٣٥

★

تحت استيجارمه بولنان بك اوغلنده جاده كبرده پنايا سواقغنده نومرولو لوقنطه وبراخانه دروننده موجود وانواع ومقاديري طرفينجه معلوم لوقنطه وبراخانه جيلقه متعلق بالجله اموال واشياي بدل مقبوض مقابلنده صفة واحده وبيع بات صحيح شرعي

ايله طوما ولد ديمتري دوسوپلوس افندي به قطعاً بيع وفروخت وتسليم ايلديكمزي و اموال واشياي مذكوره مومي اليك مال مشتري اوله رق نم بولنر اوزرنده بركونا علاقه ومدخل قالمش اولديني بموجب قانون اعلان ايلرم .

٥ شباط ٣٣٥

ن . رافتو پولوس

اشبو اعلانمه دائرة ده محفوظ نسخه اصله سنه مطابق اولقله ذيل قانون تجارت موجب نشر و اعلان ايدلك اوزره (تقويم وقايع) اداره سنه ارسال قلندي .

٥ شباط ٣٣٥

ديون عموميه اداره سندي :

ديون عموميه عثمانيه اداره سي ، بروسه حرير دارالتعليمك ٢٣ نيسان ١٣٣٥ تاريخنده كشاد اولنه جفني اعلان ايدر .
بومناسبتله اداره مذكوره :

١ - حرير دارالتعليمه هم طلبه هم طالبات قبول ايله جكني :

٢ - طلبه وطالباتك نهاري اوله جقلىني :

٣ - تدريساتك مجاني اولديني ؛

٤ - دارالتعليم درسيرنه دوام ايتك ايسته ين طلبه وطالباتك نهايت بوسنه مك شباطي غايه سنه قدر باستدعنامه اقامت ايتدكلى محلك ديون عموميه اداره سنه ويا خود نهايت سنه حاله نيسانك يكرميسنه قدر بروسه ديون عموميه باش مديرينه مراجعت ايتلى لازم كله جكني بيان ايدر اصولي دائرة سنده پول الصاق ايدلش اولق اقتضا ايدن باستدعنامه لرده مستدعي ومستدعيه لك اسم ، شهرت محل اقامت وسنلري كوستريله جك وبولنره :

(آ) مستدعي ومستدعيه لك لاقل اون التي ياشني اكمال ايتش اولدقلىني مثبت تذكرة عثمانيه لري ويا خود ولادت شهادتنامه لري صورتى ،

(ب) اقامت ايتدكلى محلك مأمورين عانده سندين استحصال ايدلش برحسن حال ورقه سي

(ج) اوچ سنه دن آز بر مدت طرفنده آ شيلانمش اولدقلىني ميين آشي شهادتنامه سي ،

(د) مستدعي ومستدعيه لرم برمكتبدن مأذون اولدقلىني حالده شهادتنامه لرينك اصلي ويا صورت مصدقه سي ربط ايديله جكدر .

استدعنامه لريني وقت وزمانيله ويرن طلبه وطالبات بر دخول امتحانه تابع طوتيله جقلىر وبوامتخانه هيتت مميزه حضورنده :

(آ) تركجه تكلم ايله بيلدكلىني ،

(ب) ممكنده تكلم اولنان لسانلردن بريني اوقوبوب يازه بيلدكلىني ،

(ج) حسابدن اعمال اربعه به آشنا اولدقلىني اثاب ايله جكدر .

استدعنامه لريني اقامت ايتدكلى محلك ديون عموميه اداره سنه اعطا ايدنلر ديون عموميه عثمانيه اداره سنك مختلف باش مديريت ومديريتله مركز مأمورينلرنده ٤ مارت ١٣٣٥ تاريخنده صباحين زوالى ساعت اونده ؛ واستدعنامه لريني بروسه باش مديرينه توديع ايدنلر دخى ٢٣ نيسان ١٣٣٥ تاريخنده صباحين زوالى ساعت طفوزده شهر مزكور حرير دارالتعليمنده امتحان اولنه جقلىردر .
٥ - بازار - ٢٤ ن

تقويم وقايع

مطبعة عامره تلفون نومرسي : ٨٥١ استانبول

قوم وقايع قوميسيوني تلفون نومرسي : ٢٤٧٨ استانبول

امور بحريه واداره - امور بحريه ايچون دائرة صدرته « تقويم وقايع قوميسيوني » نه وامور اداره ايچون مطبعة عامره مديرينه مراجعت اولنور .
شرائط اشترا - استانبول وولايات ايچون سنه لك آبونه بدلى ٣٠٠ غروشدر آبونه لردن بوسته اجرتنه تابع بشقه جه ٣٠ غروش استيفا اولنور . ممالك اجنيه ايچون سنه لك آبونه بدلى - بوسته احريته برابر - ٣٥٠ غروشدر .
اعوانت - افرادك منافعه متعلق اوله رق قانوناً ونظاماً يا خود علاقه دارانك طلبرينه بناءً دواثر رسميه ومحاكم طرفندن درج ايتدقلىر جك اعلاناتك هر سطرندن اوچ غروش آلنور . اعلانات خصوصيه قبول اولنور .